



Wes-Boland Eisteddfod

FOTOGRAFIE

Gr. 4-12

Foto's moet die leerders se eie werk wees, pas by hul ontwikkelingsvlak en slegs werk van 'n hoë standaard mag ingeskryf word. Geen voorheen bekroonde werke word aanvaar nie.

Inskrywings:

Maksimum 30 deelnemers per skool. (Dus nie meer as 60 foto's nie).

EEN DEELNEMER SKRYF 'N MAKSIMUM VAN TWEE FOTO'S IN UIT ENIGE VAN DIE AFDELINGS, MAAR NIE TWEE FOTO'S UIT DIESELFDE AFDELING NIE. DEELNEMERS MAG VANJAAR OOK NET EEN FOTO INSKRYF INDIEN HULLE DIT VERKIES.

Elke foto wat ingeskryf word, is R25 per inskrywing. (M.a.w. deelnemers wat vir Afdeling A en Afdeling C inskryf betaal dus R50.)

Die tema/onderwerp van die eie keuse-foto MOET VERSKIL van dié inskrywing in die voorgeskrewe afdelings indien leerders twee foto's inskryf.

Foto's mag nie ouer as 'n jaar wees op die dag wat inskrywings sluit nie en die datums mag nie uit foto se metadata verwyder word nie.

Geen gesigfoto's van kinders sal aanvaar word nie.

Elke skool se sameroeper moet dan die foto's gelyk inhandig m.b.v. WETRANSFER. Foto's moet in JPEG-formaat gestoor word. Die sluitingsdatum waarop foto's ontvang word is op die jaarprogram. GEEN LAAT INSKRYWINGS SAL AANVAAR WORD NIE.

Elke foto moet hernoem wees met 'n naam vir die foto asook die korrekte kode. (*Rename bv. foto as: F03 Sneemanpret*) Foto's van dieselfde skool se fotoname mag nie dieselfde wees nie, aangesien dit al manier is hoe ons foto's kan identifiseer.

Hou 'n kopie van die foto's op 'n usb-stick of CD, ingeval dit ons nie bereik nie. Die Wes-Boland Eisteddfod aanvaar geen verantwoordelikheid vir verlore foto's nie. Dit is u eie verantwoordelikheid om seker te maak dat die foto's ons betyds bereik.

KODE	GRAAD	AFDELING
------	-------	----------

F01	Gr. 4-6	A. MY DORP (Kleurfoto of monochroomfoto MET KAMERA)
F02	Gr. 7-9	
F03	Gr. 10-12	

F04	Gr. 4-6	B. BESOEDILING (Kleurfoto of monochroom MET KAMERA)
F05	Gr. 7-9	
F06	Gr. 10-12	

F07	Gr. 4-6	C. SELFOONFOTO: EIE KEUSE (Kleurfoto of monochroom MET SELFOON) LW: Hierdie foto moet iets heeltemal anders wees as Afdeling A of B.
F08	Gr. 7-9	
F09	Gr. 10-12	

1. Standaard visuele riglyne soos vir enige foto-kompetisie (bv. komposisie, fokus en visuele elemente) sal in ag geneem word tydens beoordeling.
2. Die verbetering van foto's deur middel van aanpassings t.o.v. helderheid, kleurversadiging ("*saturation*"), kontras, skerphed en die wegsny van bo-, onder- of sykante ("*cropping*") is **toelaatbaar**. Dit moet egter binne perke wees en **deur die deelnemer self** gedoen word. Elke inskrywing moet 100% die deelnemer se werk wees.

3. Geen foto's mag geskandeer word nie.
4. Slegs foto's in oorspronklike digitale formaat word aanvaar (geen filmformaat). Enige digitale kamera of goeie selfoonkamera is toelaatbaar.

Die grootte van die foto's moet tussen 500KB en 2MB (2000KB) wees. Die resolusie moet ook tussen 240dpi en 300dpi wees.

Hoe om die grootte te sien: Wanneer jy die foto in fotosagteware oopmaak, sal daar meestal 'n spyskaartopsie vir "properties" wees. Daar kan die grootte asook die resolusie gesien word. Wanneer die foto in Windows oopgemaak word, kan jy regs-"click" en ook "properties" kies. Onder die "General Tab" sal jy die grootte kan sien in KB en onder "Details" ook die resolusie in dpi.

5. Geen foto's met datums en tyd daarop gedruk (imprints – gewoonlik deur die kamera vasgelê en moet die funksie op die kamera afgeskakel word vóór die foto geneem word), sal aanvaar word nie.
 6. Die organiseerders behou die reg voor om enige foto's wat vir beoordeling ingeskryf is, te publiseer of vir mediadoeleindes aan te wend. Die Wes-Boland Eisteddfod behou die reg voor om enige foto's wat nie van goeie smaak getuig, gepas is vir sensitiewe kykers nie, op enige wyse direk of indirek diskriminerend is of propaganda promofeer, te diskwalifiseer.
- U inskrywing en deelname aan die afdeling, impliseer dat u ook bogenoemde voorwaardes aanvaar.

NAVRAE: Heléne de Clercq
082 8261 002 (tussen 14h30 en 20h00) of e-pos: jdc@kingsley.co.za

Elke skool se fotografie-organiseerder moet asseblief onderstaande vorm(s) voltooi en e-pos na info@wbeisteddfod.co.za voor/op die dag van foto-inhandiging. Leerders skryf vir EEN OF ENIGE TWEE van onderstaande afdelings in.

